

Sarajevo, 04.10.2017

Messer među izlagačima na manifestaciji "Njemačka u BiH"

Predstavništvo njemačke privrede u BiH uz podršku Ambasade Savezne Republike Njemačke organiziralo je 4. oktobra u Mikser House-u u Sarajevu po drugi put događaj pod nazivom "Njemačka u Bosni i Hercegovini" u okviru kojeg su na jednom mjestu njemačke organizacije, institucije i kompanije široj publici predstavile svoj rad i angažman u Bosni i Hercegovini.

Cilj ove manifestacije je prezentacija i upoznavanje o svemu onome što Njemačka radi u BiH, a među trideset izlagača bila je i naša kompanija koja je prezentirala svoju djelatnost, aktivnosti i proizvode na posebnom info štandu.

Prisutnima se obratila njemačka ambasadorica u BiH Christiane Hohmann koja je istakla da ima mnogo Njemačke u BiH, da Njemačka ne stvara samo radna mjesta nego je prisutna ovdje i sa značajnim investicijama.

I kompanija Messer je u svojih 20 godina djelovanja ovdje investirala više od 100 miliona KM, razvila proizvodnju i infrastrukturu i pokazala da ima smisla ulagati u BiH i njen potencijal.

Njemačka je jedan od najvažnijih bilateralnih političkih partnera Bosne i Hercegovine i istaknuti prijatelj u oblasti jezika i kulture. Njemačka Savezna vlada je u obnovu i razvoj BiH dosad investirala oko milijardu eura, čime se ubraja među najveće strane donatore. Sa godišnjom robnom razmjenom od 1,7 milijardi eura također je i najvažniji trgovinski partner, te jedan od glavnih investitora u BiH.

Prisustvo velikog broja izlagača nesumnjivo potvrđuje te navode i pokazuje zadovoljstvo ovakvom razmjenom kontakata, znanja i energija.



Sočkovac, 15.09.2017

Ajvarijada u Sočkovcu

I teambuildinge Messer radi na drugi način. Mi vjerujemo u ona okupljanja uposlenika koja rezultiraju korisnom zabavom.

Tako smo u petak, 15. septembra, organizirali Ajvarijadu u Sočkovcu.

Pored našeg postrojenja CO₂ nalazi se zemljište koje smo iskoristili da bi konstruirali plastenik i u njemu posadili paprike. Zemlja je blagodetna, naši uposlenici vrijedni, i malo-pomalo paprike su bujale i dobijale svoju zrelu boju.

I kada je došlo vrijeme za branje, okupili smo se u Sočkovcu da u dobroj atmosferi, uz branje, čišćenje, miješanje i kuhanje, kao pravi Messerovi kuhari, napravimo domaći ajvar.

A uz naše prehrambene plinove svaka će tegla ovog ajvara sva svoja hranjiva svojstva sačuvati na duže vrijeme.

I uz pjesmu, jelo i piće, spakovano je stotinjak tegli ajvara koje su podijeljene među svima koji su se pobrinuli da dobijemo vrhunski ajvar. A sve su to pratile i televizijske ekipe koje su u ovoj našoj kolektivnoj zabavnoj radnoj akciji vidjeli nešto što se danas rijetko viđa.

Baš kako i stoji na amblemu Ajvarijade: Srce plus paprika jest jednako X faktor.

I takav ajvar, na kojem piše da je proizvod timskog rada, napravljen po tradicionalnoj recepturi za koju su uz papriku i patlidžan umiješani i ljubav, radost i pažnja – došao je do onih koji su bili s nama taj dan.

A ostat će nešto i za naše goste i kupce koji će imati priliku da probaju još jedan originalni Messerov proizvod – Messerov ajvar.







[VIDI VIŠE](#)

TV Liberty: Akcizijada i ajvarijada

[NOVOSTI.IZ SVIJETA PLINOVA.](#)

Part of the Messer World 

Rajlovac/Sarajevo, 08.09.2017

Messerov Dan sigurnosti 2017

Veća sigurnost zbog povećanja razine osviještenosti i osobne odgovornosti

Poduzeće specijalizirano za industrijske plinove informira kupce i zaposlenike o potencijalnim opasnostima te ispravnom ponašanju

8. septembra 2017. godine Messer, najveće poduzeće u privatnom vlasništvu specijalizirano za industrijske plinove, održalo je Dan sigurnosti na svim svojim lokacijama diljem svijeta. Ovogodišnji fokus stavljen je na osobnu odgovornost, te povećanje osviještenosti o potencijalnim opasnostima.

U 2015. Europska udruga za industrijske plinove (European Industrial Gas Association - EIGA) razvila je 14 'pravila koja život znače'. Ova osnovna pravila ponašanja su u Messeru uspješno raširena, s ciljem stvaranja veće osviještenosti u svrhu ranog prepoznavanja opasnosti i njihovih izvora. Na ovogodišnjem praktičnom danu kompanija je istaknula vrlo bazično pravilo: 'trebaju preuzeti odgovornost za svoje postupke, stanje i odluke ... kad god se ne osjećaju sigurno, zaposlenici to trebaju i obznaniti.' U isto vrijeme, zaposlenici su upoznati s osnovnim potencijalnim opasnostima za proizvođače industrijskih plinova u današnjem društvu. "Rastuće prijetnje terorizmom i građanskim nemirom su sveprisutne. Zbog toga želimo podići svijest zaposlenika o potencijalnim opasnostima u današnje vrijeme i podržati ih u preuzimanju osobne odgovornosti.", kaže Stefan Messer, vlasnik i generalni direktor Grupacije Messer.

U 2016. godini specijalisti za industrijske plinove razvili su i seriju brošura 'Sigurnosni džepni vodič', kako bi konstantno povećavali sigurnost svojih kupaca. Kao dodatak osnovnim znanjima, npr. pregled simbola opasnosti naznačenih na ramenu boce, vodič nudi i neophodni *know-how* za sigurno i bezrizično rukovanje plinovima.

Svojim tradicionalnim Danom sigurnosti i zdravlja Messer naglašava osviještenost zaposlenika i o temama iz područja zaštite okoliša još od 2013.

Grupacija Messer

Grupacija Messer, osnovana 1898. godine, je najveće privatno upravljano poduzeće specijalizirano za industrijske, medicinske i specijalne plinove. Pod brandom 'Messer - Gases for Life' sa preko 90 podružnica, poduzeće aktivno djeluje u preko 36 zemalja u Europi, Aziji, Americi i Alžiru. Međunarodnim aktivnostima upravlja se iz Bad Sodena kraj Frankfurta na Majni, dok se centraliziranim funkcijama komunikacija, logistika, inženjerstvo, proizvodnja i primjene upravlja iz Krefelda. Stefan Messer, generalni direktor i vlasnik Grupacije Messer, skupa sa 5.485 zaposlenika, djeluje u skladu sa definiranim principima koji uključuju fokus na kupce i zaposlenike, odgovorno ponašanje, korporativnu odgovornost kao i povjerenje i poštovanje. U 2016. poduzeće je ostvarilo konsolidirani prihod od 1.146 milijuna €.

<http://www.messergroup.com>

<http://www.gasesforlife.de>

Foto materijal:

Fotografije vezane za Grupaciju Messer u kvaliteti za ispis mogu se preuzeti sa press materijala na www.messergroup.com.

Daljnje informacije:

Messer Group GmbH

Diana Buss

Senior Vice President Corporate Communications

T: +49 6196 7760-361

F: +49 6196 7760-512

M: +49 173 5405045

E-mail: diana.buss@messergroup.com

Angela Bockstegers

Specialist Public Relations

T: +49 2151 7811-331

F: +49 2151 7811-598

M: +49 174 3281184

E-mail: angela.bockstegers@messergroup.com

The content of your gas cylinders

Pocket Safety Guide No. 1



Rajlovac/Sarajevo, 17.08.2017

Messer - sponzor FK Sarajevo

Naša kompanija novi je sponzor Fudbalskog kluba Sarajevo.

Zahvaljujući ovom sponzorstvu, bosanskohercegovački šampionski klub Sarajevo dobio je značajnu podršku pri realizaciji nekoliko infrastrukturnih projekata među kojima je i potpora pri održavanju kvaliteta terena u Trening centru Sarajevo u Butmiru. Saradnja će, kako je istaknuto na obje strane, u narednom periodu biti proširena i na druge klupske potrebe.

Messer u Bosni i Hercegovini je socijalno odgovorna kompanija poznata po korporativnoj senzibilnosti prema onom dijelu bosanskohercegovačke zajednice koja ima potencijala da prosperira i napreduje, kao što su sportisti, sportski kolektivi i mladi talenti iz svih oblasti društvenog djelovanja kojima je želja da se afirmiraju i steknu znanje i obrazovanje.

Generalni direktor ove kompanije g. Valentin Ilievski ističe da će strateški cilj Messera uvijek biti investiranje: investiranje u mlade talentirane kadrove, u tehnologiju, u proizvodnju i *know how*, a samim tim i u ukupan društveni sistem koji nas okružuje ali i određuje.

“Mi smo u Messeru proteklih godina jedan dio našega budžeta ali i cjelokupnog logističkog aparata stavili u službu bosanskohercegovačkog društva. Želimo bolje i jače društvo, želimo popraviti ambijent življenja i kreirati ljepšu sliku Bosne i Hercegovine. Stoga ulažemo u sport i kulturu, u ekologiju i one pojedince kojima treba zdravlje i znanje da bi krenuli naprijed. U FK Sarajevo mi vidimo ogroman potencijal koji

samo sa jakim partnerima može biti na pravi način iskorišten i plasiran u svijet. Ovaj fudbalski klub ima dugu tradiciju uspjeha, šampionski background i čvrstu osnovu za dalje, stoga trebamo svi zajedno učiniti sve što je u našoj moći da svaki njegov segment, od juniora do prvog tima, od terena do svlačionica, od navijača do uprave, bude besprijekoran. Messer će utkati svoje niti u ovaj šareni bosanski ćilim, a, vjerujem i drugi sponzori, sve da bi dobili klub s kojim će ne samo Sarajevo i njegovi navijači, nego i grad, kanton, entitet i država, biti ponosni” – izjavio je Ilievski, CEO Messer BH Gas.

NOVOSTI.IZ SVIJETA PLINOVA.

Part of the Messer World ■ ■ ■

Rajlovac/Sarajevo, 11.08.2017

Messer dobio odobrenje od PepsiCo za isporuku CO₂

Najveća kompanija u BiH za proizvodnju, prodaju i distribuciju plinova, Messer BH Gas, dobio je odobrenje kompanije PepsiCo za isporuku CO₂.

Pepsico je jedan od naših ključnih kupaca kojem se isporučuje tečni CO₂ za proizvodnju pića. Njihovo odobrenje je jedno od najprestižnijih na svijetu u industriji pića. Ovo odobrenje vrijedi do kraja 2020., ali se kvalitet CO₂ mora potvrđivati svake godine.

U Messerovoj podružnici Sočkovac, koja proizvodi CO₂ od 2012., svi kapaciteti su u cjelosti iskorišteni. Zbog toga je otvorena i nova bušotina koja može zadovoljiti potrebe kupaca za ugljen-dioksidom. U ovaj proizvodni pogon je kompanija Messer, koja u BiH uspješno djeluje 20 godina sa investicijama teškim preko 100 miliona KM, uložila dodatnih pet miliona KM.

- Do sada smo snabdijevali našim plinovima klijente u BiH, a početkom eksploatacije iz nove bušotine postat ćemo izvoznik ugljen-dioksida u Hrvatsku, Srbiju i druge zemlje. CO₂ je strateški plin i u budućnosti će biti itekako potreban u raznim privrednim granama, ističe Valentin Ilievski, generalni direktor Messera u BiH.

Odobrenje koje je PepsiCo dao Messeru predstavlja potvrdu nastojanja menadžmenta Messera da cijeli tehnološki proces u proizvodnji bude mjerljiv najvišim ocjenama od strane kontrole, revizije i klijenata.



NOVOSTI.IZ SVIJETA PLINOVA.

Part of the Messer World ■ ■ ■

Rajlovac/Sarajevo, 25.07.2017

Helij za uspješan let

Messer BH Gas je u nekoliko navrata podržavao timove entuzijasta koji su uz pomoć balona napunjenog helijem slali svoje kamere u orbitu želeći vidjeti dokle seže moć suvremene tehnologije.

Tako je 22.07.2017. BH HAB team uspješno lansirao HAB (high altitude balloon) "Džennet II". Balon je nosio kutiju sa 3 kamere: Yi g1 za photo timelapse, Yi 4k+ za 4k60fps video i Samsung Gear 360 za 360 fotografije. Pored toga bila su dva GPS uređaja i Raspberry Pi A+ sa "Pi in the sky" dodatkom koji je slao real time telemetriju natrag na Zemlju.

Balon je lansiran sa Trebevića, a kutija je pronađena na području Ravne Romanije, 47 km vazdušne linije od lansiranja. Let je trajao ukupno 158 minuta, od toga 119 min. let, a pad 39 min. Maksimalna postignuta visina bila je fantastičnih 33.4 km.

Za ovu avanturu potrošeno je oko 4 m3 helija, a Messer je i ovoga puta pokazao spremnost da učestvuje u akcijama koje donose nove spoznaje o nedovoljno istraženim prostorima.

Iz BH HAB tima javljaju da je sve prošlo po planu i da se u skoro vrijeme spremaju poslati letjelicu na još veće visine i sa njih spremiti originalnu snimku.

Messerov helij će i tada biti ono gorivo koje će pokrenuti balon i na taj način pomoći u ispunjavanju novih ciljeva ovog mladog tima istraživača.



NOVOSTI.IZ SVIJETA PLINOVA.

Part of the Messer World

Rajlovac/Sarajevo, 30.05.2017

Messer za roditeljsku kuću

U Bosni i Hercegovini postoje vidni problemi u mnogim domenima, ali sigurno je da je zdravlje naše djece broj jedan. Dugi niz godina vodila se pravna i finansijska bitka za gradnju Roditeljske kuće kao mjesta boravka roditelja oboljele djece koja nisu iz glavnog grada. Kad je ta bitka okončana, pojavio se problem održavanja kuće i osiguranja njenog rada.

Prije tri mjeseca započet je projekt "Super recept za Roditeljsku kuću", s osnovnim ciljem podizanja svijesti o važnosti Roditeljske kuće u Sarajevu i s nastojanjem da se sistemski riješi problem njenog finansiranja.

Roditeljska kuća otvorena je 2016. godine i do sada se finansirala uz pomoć donacija, uz sporadično uključivanje Vlade KS. U BiH godišnje oboli između 60 i 70 djece, a do sada ih je u kući boravilo više od 70.

Za potrebe normalnog funkcioniranja Roditeljske kuće potrebno je 150.000 KM na godišnjem nivou, a da ta sredstva ne smiju biti upitna, poručila je televizija Hayat koja je 25. maja organizirala donatorsku večeru na kojoj su domaćini bili učesnici serijala "Super recept za Roditeljsku kuću".


Na večeri su učestvovala poznate ličnosti iz svijeta muzike, glume, politike, nauke, sporta... I naša kompanija se odazvala pozivu želeći dati važnost rješenu gorućih problema u državi i iskazati svoju korporativnu solidarnost sa onima kojima je pomoć itekako potrebna.

Generalni direktor Messer BH Gasa, g. Valentin Ilievski, je ispisao ček na 1.000 KM, ističući kako je važno da vlast u BiH sistemski riješi financiranje Roditeljske kuće jer je to hitno i nužno.

Uz pomoć dobrih ljudi samo je od poziva na humanitarni broj skupljeno više od 60.000 KM, aukcijom slika 2.000 KM, a na samoj 'Donatorskoj večeri', ukupno je skupljeno 260.307 KM.

Ovakva akcija kao demonstracija kapaciteta dobrote kod bosanskog čovjeka pokazala je spremnost i privrednih društava, pojedinaca, udruženja, vladinog i nevladinog sektora da zajednički sudjeluju u podršci onima kojima je to najpotrebnije – a to su naša djeca.

Uplata je izvršena na račun Udruženja "Srce za djecu koja boluju od raka FBiH" 161 00000 388 90124, i svi koji to žele mogu i dalje potpomagati rad Roditeljske kuće.





Rajlovac/Sarajevo, 24.05.2017

Baloni za maturante

Učenici IX-ih razreda osnovnih škola iz Starog Grada su na svečani način okončali svoju prvu stepenicu u obrazovanju. Da svečanost bude potpuna, pobrinuo se Messer BH Gas poklonivši Općini Stari Grad na pregršt crvenih, bijelih i plavih balona, koji su pušteni u zrak kao simbol radosti jer je jedna dekada školovanja uspješno okončana.

Naša kompanija se pobrinula da maturanti uživaju u svom danu čestitavši im dosadašnje uspjehe i zaželjevši im mnogo sreće u nastavku školovanja.

Na mladima svijet počiva, kaže jedna stara izreka. Moto kompanije Messer je ulaganje u mladost i znanje, a s tim se počinje još od prvih školskih dana.

Sretno svima!





NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 09.05.2017

Messer podržava dječije stvaralaštvo

Od 3. do 6. maja na nekoliko lokacija u Sarajevu održan je 3. Festival dječije umjetnosti (FEDU), jedinstven po svome sadržaju i karakteru. To je prvi internacionalni festival u BiH i Regionu koji je prilika za afirmaciju knjige, muzike i pozorišne umjetnosti za djecu i mlade, ali i ostalih vrijednosti koje iz toga proizilaze. Ovo je treći po redu festival koji je dobio prefiks značajnog umjetničkog festivala za populaciju od 6. do 14. godina.

U toku trajanja Festivala, kroz stalne dnevne aktivnosti bilo je prezentirano oko 300 učesnika dramskog, literarnog i muzičkog stvaralaštva – profesionalaca iz BiH i Regije. I to sve s ciljem edukacije i afirmacije dječijeg stvaralaštva.

U okviru Festivala održava se takmičarski dio iz tri oblasti (teatar, muzika i književnost): izvode se pozorišne predstava iz BiH i Regije plus dvije festivalske premijere, koncert muzičkih talenata i horova sa revijalnim programom, mnoge art radionice iz slikarstva, kiparstva i lutkarstva, književna druženja, kao i izbor najboljih bajki pristiglih na raspisani Konkurs. Festival je takmičarskog i revijalnog karaktera, a nagrade su novčane u ukupnom iznosu od 6.000 KM.

Kompanija Messer BH Gas koja ima sluha za najmlađu populaciju, njihove umjetničke i kulturne potrebe, glavni je partner Festivala u domenu dječijeg stvaralaštva. Sve nagrade za najbolju bajku koju su napisali učenici osnovnih škola financira naša kompanija.

Uz to, Messer je zaslužan za dekoraciju ambijenta Velike sale Općine Stari Grad gdje je održan završni koncert Festivala i dodijeljene nagrade.

Dobitnici Plaketa za najbolje mlado spisateljsko pero «Aida» su:

Prvo mjesto ide Merjem Husejnović za bajku „Čarolija i tri vile“. Druga nagrada je pripala Lani Mlađen za bajku "Hrast".

Treće mjesto dijele Muniba Memić za bajku "Ružica i jedanaest Štrumfova" i Tarik Sijarić za bajku "Moj nevidljivi prijatelj Tom".

Ovaj umjetnički festival za djecu je takmičarskog tipa i pokazuje visoke domete u umjetnosti za mlade kako u BiH tako i u široj Regiji.

Nagrade nose naziv: Planeta Teatra, Planeta Bajki i Planeta Muzike.

Sve dodatne informacije o Festivalu se mogu dobiti na www.fedu.ba

Messer je ponosni partner Festivala koji djeci nudi radost iz koje se uči.



FESTIVAL DJEČJE UMJETNOSTI

3. FESTIVAL DJEČJE UMJETNOSTI

3-6. maj 2017.

najbolje predstave, najljepše pjesme,
najdivnije bajke

GLAVNI PARTNER
FESTIVALA



Općina
Stari Grad
Sarajevo

GLAVNI SPONZORI



SEKULARNI SPONZOR

SPONZORI



GENERALNI MEDIJSKI PARTNERI I

WWW.FDU.BA









NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 23.04.2017

Gračanički sajam - mjesto poslovnih susreta

I ovogodišnji GRAPOS EXPO pokazao se kao najbolje mjesto poslovnih susreta. Među trista izlagača iz cijele BiH i Regije koji se takmiče u prezentaciji svojih proizvoda i usluga našao se i ove godine Messer BH Gas, koji je na svoj štand privukao veliki broj posjetitelja.

Naši plinovi, osim konkretne upotrebne vrijednosti u teškoj i lakoj industriji, imaju mnogo širu primjenu. Stručno osoblje Messera demonstriralo je na licu mjesta kako se tečni dušik može iskoristiti u zamrzavanju namirnica, kako se samo u par sekundi mogu stvrdnuti tečna čokolada ili smjesa za sladoled, kako se može napraviti dimna zavjesa, proizvesti efekat magije i slično.

Pored Messerovog štanda posjetitelji su zastajali, promatrali našu mini laboratoriju i konzumirali voće, sladoled i čokoladu, zainteresirani za hemijske procese koji se pri tome primjenjuju.

Sajam je trajao dva dana od predviđenih četiri jer organizatorima vremenske prilike nisu išle na ruku. Unatoč tome, ovaj GRAPOS EXPO bio je najposjećeniji do sada što je dokazalo da je najveći sajam obrta i poduzetništva širokog spektra u Regiji.



NOVOSTI.IZ SVIJETA PLINOVA.

Part of the Messer World

Rajlovac/Sarajevo, 13.04.2017

Posjeta učenika Messerovoj fabrici u Sočkovcu

U skladu sa potpisanim petogodišnjim Memorandumom između Messer BH Gasa i GIZ-a (njemačka vladina razvojna agencija), u srijedu, 12. aprila učenici dvije srednje škole iz Gračanice posjetili su fabriku CO₂ u Sočkovcu gdje su se upoznali sa prezentacijom upotrebe CO₂ u razne društveno korisne svrhe.

U pratnji svojih nastavnika, 44 učenika su obišla izvorište Terme i pod stručnim vodstvom Messerovih inženjera dobili su informacije o načinu iskorištavanja CO₂ u tretmanu otpadnih voda, u gastronomiji, u industriji pića, čišćenju mašina kao i razne druge svrhe.

Učenici su najprije na izvorištu pogledali kako se putem separatora odvaja plin od vode, zatim su obišli samo postrojenje za prefabrikaciju uz objašnjenje principa rada prelaska plina u tečno i čvrsto stanje.

Učenicima je posebno zanimljiva bila praktična vježba o suhom ledu, koji je CO₂ u čvrstom agregatnom stanju i prelazi u plinsko, ali ne i tečno stanje, i pokazan im je hemijski proces formiranja suhog leda i njegov izgled te mogućnosti upotrebe.

Učenici su naučili da je ugljen-dioksid bitan sastojak mineralne vode i bezalkoholnih osvježavajućih napitaka. Pomoću ugljen-dioksida obezbjeđuje se trajnost i kvalitet proizvoda. Pored osvježavajućeg ukusa koji daje ugljen-dioksid, on ima za ulogu da onemogući ili uspori rast i razvoj pojedinih mikroorganizama. Rastvorljivost ugljen-dioksida u vodi je različita u zavisnosti od temperature. Sa padom temperature povećava se rastvorljivost.

Učenici su postavljali Messerovim stručnjacima pitanja i učestvovali u demonstraciji korištenja CO₂. Također su pogledali Messerov film "[Sve o CO₂](#)".

Posjeta je prošla u duhu razgovora i vježbe, teorija je ovdje dobila svoje osvjedočenje u praksi.

Nastavnici i učenici JU Mješovite srednje škole Gračanica i JU Gimnazije "Dr. Mustafa Kamberić" Gračanica su istakli da im je dan u cjelosti protekao ugodno i da su dobili informacije koje su veoma upotrebljive kao podrška njihovom nastavnom procesu.





NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 30.03.2017

Ilievski i Gaber o problemima investitora

Predstavništvo njemačke privrede u BiH (AHK) održalo je konferenciju za novinare na kojoj je predloženo privredno istraživanje među članovima njemačko-bosanskohercegovačkog privrednog udruženja «Wirtschaftsverein BiH». Utvrđeno je da članice nisu zadovoljne političkom situacijom u BiH i da se ona prelama na sve oblasti ekonomije.

Rezultate istraživanja su prezentirali g. Valentin Ilievski, generalni direktor Messer BH Gasa i zamjenik direktora AHK-a, g. Martin Gaber.

G. Ilievski je istakao da u BiH nije lako poslovati, i da se u tome slažu sve članice ovog privrednog udruženja.

Jedni kažu da je za pokretanje ili razvoj biznisa najveća kočnica administracija, drugi spominju i retoriku koju koriste političari. Doprinijela je ona lošem imidžu zemlje u svijetu, a rezultat toga je odustajanje od investiranja u BiH.

«Kad počnete tražiti dozvole, kao što je dozvola za generalnog direktora da dobijete ovdje boravak, to traje. Dok dobijete građevinsku dozvolu, to najmanje traje pet godina ako je uopće ikad dobijete. To vrijeme što vi gubite je kočnica za dalji razvoj ako hoćete investirati» - istakao je za medije g. Ilievski.

Više od 80% investitora smatra da se situacija neće poboljšati.

Zamjenik predstavnštva g. Gaber je citirao izjavu jednog njemačkog investitora koji je rekao da ne želi investirati u politički rascjepkanoj državi.

Istaknuto je ipak da su uprkos uvjetima u kojima rade naše kompanije ostvarile odlične rezultate van BiH. Također, istraživanja kažu da 73% ispitanika bi opet ulagalo u BiH koja je i dalje atraktivna privredna lokacija.

Zaključak je da bh. proizvodi osvajaju nagrade, ali ih vlast opterećuje novim nametima.



[NOVOSTI.IZ SVIJETA PLINOVA.](#)

Part of the Messer World 

Rajlovac/Sarajevo, 27.02.2017

Messerov CO2 u najboljoj vodi na svijetu

Tešanjaska kompanija «Zema» već treću godinu zaredom osvajač je zlatne medalje na prestižnom 27. takmičenju voda u američkom Berkely Springsu.

»Tešanjaski kiseljak«, kao istaknuti brend ove fabrike, redovni je učesnik i redovni dobitnik najvećih priznanja otkako «Zema» proizvodi i plasira na tržište svoju flaširanu mineralnu vodu.

Messer BH Gas/Messer Tehnoplín dugi niz godina uspješno poslovno surađuje sa «Zemom» snabdijevajući ih svojim proizvodom (CO2), koji je neophodan za dobivanje krajnjeg rezultata, a to je nagrađeni «Tešanjaski kiseljak».

Značaj ove nagrade leži i u činjenici da «Zema» postiže svjetski valorizirane rezultate i promovira bosanskohercegovačke prirodne potencijale diljem svijeta.

Vjerujemo da će ova medalja doprinijeti ukupnoj profilaciji ove renomirane bh. kompanije na međunarodnom prostoru i da će „Zema“ i dalje razvijati svoj brand i ostati prepoznatljiva po najboljoj flaširanoj mineralnoj vodi u BiH, Regiji i šire.

[NOVOSTI.IZ SVIJETA PLINOVA.](#)

Rajlovac/Sarajevo, 21.02.2017

Direktor Messera u posjeti Goraždu

Predstavnici Vijeća stranih investitora u BiH, Agencije za unapređenje stranih investicija u BiH i jednog od najvećih stranih investitora u BiH Messer BH Gas / Messer Tehnoplín, boravili su u posjeti Bosansko-podrinjskom kantonu Goražde s ciljem razgovora o mogućnostima stranih investiranja u ovu regiju.

Goražde i njegova okolina su izrasli u jednu vrlo uspješnu poslovnu, industrijsku sredinu koju treba promovirati, pokazati njene potencijale, infrastrukturu i uspješnost privrednika. Također su ovi razgovori između stranih ulagača i predstavnika Vlade izuzetno važni radi razmjene informacije i uspostavljanja poslovne saradnje.

Sastanku su prisustvovali premijer Emir Oković, ministar za privredu Meho Mašala, ministar za obrazovanje, mlade, nauku, kulturu i sport Damir Žuga, izvršna direktorica Vijeća stranih investitora u BiH Sanja Miović, direktor Messer BH Gas / Messer Tehnoplín i član Upravnog odbora Vijeća stranih investitora u BiH Valentin Ilievski, te pomoćnica direktora Agencije za unapređenje stranih investicija u BiH Slavica Korica.

Generalni direktor Messera Valentin Ilievski kazao je da BiH ima veliki razvojni i tržišni potencijal, ali da je potrebno unaprijediti postojeće poslovne procedure i ukupno poslovno okruženje s ciljem stvaranja što povoljnijih uslova za privlačenje stranih investitora.

"Goražde je dobar primjer stranih ulaganja kojih može biti još više, a rezultati još bolji, ako se u cijeloj BiH poboljšaju uvjeti i ambijent za strane investitore", istakao je Ilievski.

Na sastanku je rečeno i to da je kompanija Messer na tržištu BiH prisutna već 20 godina, kao i da je u dosadašnjem periodu na ovom prostoru investirala oko 100 miliona KM, što predstavlja reprezentativan primjer stabilnog i dugoročnog planiranja.



NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 31.01.2017

Messer podržava rad SOS Dječijih sela u BiH

Kompanija Messer je ovu godinu otpočela potpisivanjem ugovora o saradnji sa SOS Dječija sela BiH. Tako je Messer BH Gas postao partner ovoj važnoj organizaciji koja osigurava porodični model brige za djecu i mlade bez roditeljskog staranja, ali i pruža podršku porodicama koje su se našle u stanju socijalne potrebe.

Ugovor o saradnji su potpisali Valentin Ilievski, generalni direktor Messer BH Gas/Messer Tehnoplina i Amir Omanović, nacionalni direktor SOS Dječijih sela BiH. Pored donacije u vrijednosti od 1.000,00 KM, Messer će tokom 2017. godine osigurati podršku novom SOS Programu za mlade – YES Centru.

Nezaposlenost mladih je jedan od najozbiljnijih problema bosanskohercegovačkog društva. S obzirom na izloženost mladih visokom stepenu siromaštva, nejednakosti, socijalne izoliranosti i drugim rizicima, SOS

Dječija sela BiH su pokrenula SOS Program za mlade – YES Centar s ciljem poboljšanja socio-ekonomske situacije marginaliziranih mladih ljudi u BiH.

Kroz tri segmenta rada SOS Programa za mlade: Info centar, Centar za razvoj kompetencija i zapošljavanje, te Centar za biznis i inovacije, želi se osigurati da marginalizirani mladi ljudi dobiju priliku usvojiti znanja i vještine koja će ih učiniti konkurentnim na tržištu rada. Utoliko uspješne kompanije, pored institucija vlasti i nevladinih organizacija, predstavljaju važne partnere u YES mreži.

Messer je kao društveno odgovorna kompanija odmah prepoznao značaj pružanja prilika mladima da prođu strukturirane obuke, da kroz posjete, volonterski rad, stažiranje i treninge u kompaniji usvoje praktična znanja i vještine, te steknu radna iskustva potrebna poslodavcima u BiH.

I to sve samo s jednim ciljem, a to su uspješni i samostalni mladi ljudi koji trebaju biti nosioci razvoja bh. društva.



NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 26.01.2017

EUFOR u posjeti kompaniji u Rajlovcu

Mobilni tim Švicarske armije u okviru EUFOR-a "ALTHEA" koji obavlja edukaciju polaznika ADR kursa, pripadnika Oružanih snaga BiH, posjetio je našu kompaniju u Rajlovcu. Polaznike je predvodio major Martin Bamert.

Cilj posjete je bio da se polaznici kursa suoče sa svakodnevnim izazovima na polju prijevoza opasnih materija i dobiju uvid u svakodnevnu praksu prilikom rukovanja plinovima. Savjetnik za sigurnost EUFOR-a pružio je teoretska znanja o ADR-u polaznicima ovog kursa koja su na praktičan način upotpunjena ovom posjetom.

O tome šta su dužnosti prilikom prijevoza opasnih materija cestom, razgovarali su sa Messerovim menadžerom za sigurnost, zdravlje i okoliš.

Posjeta Messer Tehnoplina je obavljena 25. januara, na obostrano zadovoljstvo, a major Bamert se zahvalio na razmjeni iskustava u oblasti prijevoza opasnih materija.

Predstavnici oružanih snaga su izrazili želju da ostanu u kontaktu sa stručnim timom kompanije Messer, a u svrhu razmjene informacija i dobijanja korisnih materijala iz ove oblasti.



NOVOSTI.IZ SVIJETA PLINOVA.

Part of the Messer World 

Svi naši uspjesi okom kamere

U maniru novih tehnologija, kroz pomno osmišljen idejni koncept, kompanija Messer u Bosni i Hercegovini krunisala je dva desetljeća svoga uspješnoga djelovanja. Snimajući lokacije na kojima se nalaze naši proizvodni pogoni, administrativni uredi, distributivni centri i kompletna logistika, dobili smo promo filmove u najboljoj rezoluciji.

Okom kamere zabilježeni su svi naši uspjesi.

Kratki video klipovi pokazuju četiri lokacije (Sarajevo, Mostar, Zenica, Sočkovac) na kojima su izrasla postrojenja i odakle se vrši ukupna distribucija plinova za život.

Na efektan i moderan način, snimajući iz zraka i sa zemlje, koristeći suvremenu tehniku i grafiku, dobili smo najbolju prezentaciju naše kompanije.

Messer u BiH počiva na ulaganju u ljude, znanje i infrastrukturu.

To pokazuje živa slika iz naših [promo filmova](#).

NOVOSTI.IZ SVIJETA PLINOVA.

Rajlovac/Sarajevo, 17.01.2017

Ilievski o stranim investicijama na Al Jazeera

O stranim investicijama u Bosni i Hercegovini i zemljama Regije, o borbama ovih država za privlačenje stranog kapitala kao i o mogućnostima poboljšanja postojeće infrastrukture i investicijske klime, govorio je CEO Messera i član Vijeća stranih investitora Valentin Ilievski na Al Jazeera Balkans.

- Strani investitori su do sada uložili 9 milijardi KM u BiH što je 70 posto od ukupnih investicija u BiH. Strani investitori su ključ za investicije i za održavanje države. Kad je riječ o kompaniji Messer, najlakše nam je bilo poslovati u Hrvatskoj, zatim u Srbiji, pa tek onda u BiH jer ovdje imate ogroman birokratski aparat koji vas koči na tri razine – istakao je Ilievski u uvodu emisije «Kontekst».

Pored Ilievskog, koji je govorio iz sarajevskog studija, iz Beograda se javio dekan Beogradske bankarske akademije Hasan Hanić, a iz Zagreba Saša Bukovac, ekonomski ekspert.

Na pitanje zbog čega investicije padaju u BiH, Ilievski je rekao: - Ovdje imate ogromne prepreke, prva prepreka je građevinska dozvola, zatim kad trebate registrirati kompaniju i njenog direktora i slično. Te se birokratske prepreke moraju otkloniti...

Strani investitor koji investira ovdje nosi ne samo kapital nego i know how i znanje koje je jako važno za razvoj. I svaki ulaže u budućnost – kazao je Ilievski.

Na kraju je zaključio: «Ključne prednosti BiH u odnosu na druge zemlje su stabilna valuta koja je usklađena sa eurom, porez na profit je samo deset posto, a geostrateški BiH je u sredini jugoistočne Evrope i blizu je velikih razvijenih zemalja. S druge strane, mnoge kompanije koje dolaze van Evrope žele doći u zemlje koje su blizu Evropske unije i na taj način traže mjesto za investicije.»

Cijelu emisiju možete pogledati na: https://www.youtube.com/watch?v=az_LpRF7Ma8



NOVOSTI.IZ SVIJETA PLINOVA.

Part of the Messer World ■■■

Rajlovac/Sarajevo, 07.10.2016

Japanski biznismeni u posjeti BiH

Vanjskotrgovinska komora BiH i JETRO (Japanska vanjskotrgovinska organizacija) u suradnji sa Japanskom ambasadom u Sarajevu i Vijećem stranih investitora organizirale su posjetu japanske poslovne delegacije BiH. Cilj posjete je ostvarenje mogućnosti razvoja poslovnih odnosa Japana sa Bosnom i Hercegovinom. Predsjednik Vanjskotrgovinske komore BiH, Bruno Bojić, rekao je da je u BiH u zadnje vrijeme evidentno kontinuirano poboljšanje poslovnog okruženja, dodajući da je BiH trenutno zemlja sa najboljim poslovnim ambijentom u Regiji. Ovom prilikom predstavnici Vijeća stranih investitora u BiH - (FIC) Sanja Miović, izvršni direktor i članovi Savjeta UO, Sandra Kasalo Fazlić, gospodin Valentin Ilievski, generalni direktor Messer BH Gasa i gospodin Biju Nair, informirali su japanske privrednike o poslovnim mogućnostima u BiH i pozitivnim iskustvima stranih investitora koji djeluju u BiH već dugi niz godina. Ilievski je prezentirao 20-godišnje iskustvo njemačke kompanije Messer u BiH, te istakao prednosti ulaganja u bh. tržište. Ovaj sastanak se smatra posebno važnim jer vanjska trgovinska razmjena BiH s Japanom nije velika i iznosi svega oko 10 miliona. Ambasador Japana u BiH, Nj.E. Kazuya Ogawa, je rekao da BiH ima veliki potencijal u smislu energije, industrije i poljoprivrede, i da bi trebalo raditi na povećanju vanjske trgovine.

"Ja sam vrlo sretan da su JETRO i VTK BiH organizirale ovaj zajednički susret. Mislim da mnogi japanski privrednici nemaju pretjerano pozitivnu percepciju o BiH. Ovo će biti dobra prilika da ih se uvjeri u drugačije," izjavio je Ogawa. On je zaključio da su neke japanske kompanije već prisutne u zemlji i najavio širenje ove saradnje i velika ulaganja.

Photo download, oktobar 2016

NOVOSTI.IZ SVIJETA PLINOVA.

Part of the Messer World ■■■

Rajlovac/Sarajevo, 06.10.2016

Razgovori s bavarskom delegacijom o investicijama

U organizaciji Predstavništva njemačke privrede u BiH (AHK) u Sarajevu održani su od 3. do 5. oktobra razgovori njemačkih investitora u BiH i bh-privrednika sa delegacijom njemačke Savezne Pokrajine Bavarske. Razgovori su tematizirali nova ulaganja, intenziviranje ekonomske suradnje, razmjenu iskustava te uspostavljanje novih poslovnih odnosa. Predstavnici petnaest bavarskih kompanija učestvovali su u razgovorima o političkim, ekonomskim i administrativnim uvjetima za ulaganje u Bosnu i Hercegovinu.

Informacije o mogućnostima investiranja, o prirodnim potencijalima BiH kao i iskustvu sa prednostima ali i zaprekama „na terenu“, bavarska delegacija dobila je i od generalnog menadžera kompanije Messer BH Gas, g. Valentina Ilievskog.

- Mi u Messeru mislimo da je svaka kriza šansa, samo je potrebno vidjeti dalje i dugoročno planirati. Njemačke firme koje su došle u BiH ovdje su i ostale. Našle su načina da izgrade vlastiti biznis i da se održe. BiH ima toliko veliki potencijal da se ova država u slijedećih 20 godina može značajno razviti, Ilievski je obrazložio prednosti BiH privrednicima iz Bavarske.

Gunther Neubert, direktor Predstavništva njemačke privrede u BiH, rekao je da su ovakvi razgovori već održani u Banjoj Luci, Travniku i Mostaru s tamošnjim privrednicima i da je ukupan utisak veoma pozitivan. Bavarska delegacija je ustanovila da postoje dobri uvjeti za ulaganje posebno kada je u pitanju tzv. ljudski potencijal.

[Photo download \(92 KB\)](#)

NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 14.07.2016

Poslodavci reagiraju na nova poreska opterećenja

Udruženje poslodavaca u FBiH, Savez samostalnih sindikata BiH, Vanjskotrgovinska komora BiH, Vijeće stranih investitora, Privredna komora FBiH i FIPA organizirali su press konferenciju povodom donošenja izmjena Pravilnika o primjeni Zakona o porezu na dohodak.

Poslodavci više ne mogu istrpiti opterećenja koje je nametnula Vlada FBiH posljednju godinu i neće imati drugi izbor nego otpuštati radnike i smanjivati plate, upozorili su na konferenciji.

„Sada imamo novi pravilnik, neuobičajeno sredinom godine, a gdje je smanjenje doprinosa? Ova mjera samo puni budžet na račun poslodavaca i radnika. Kompanije će imati više troškova, i to neplaniranih, pa će biti nekonkurentne, a takve kompanije će smanjiti investicije ili broj radnih mjesta. Kada to padne na teret radnika slabi kupovna moć i gube i radnici i privreda“, kazao je Valentin Ilievski, generalni direktor Messer BH Gasa, ispred Vijeća stranih investitora BiH.

Cilj FBiH je prema Reformskoj agendi bio smanjenje obaveza na rad sa 72 posto na 50 posto. Međutim, to još nije na snazi.

Svaka izmjena poreske legislative trebala je biti najmanje neutralnog karaktera, odnosno da će za iznos svih osiguranih finansijskih sredstava ekvivalentno biti umanjeni doprinosi“, dodao je Ilievski i istakao do kakvih bi posljedica ova izmjena Pravilnika mogla dovesti.

U onu državu što ima najpovoljnije uslove ići će da investira strani investitor. S ovom odlukom pravila se mijenjaju. To je negativno za strane investitore.

Poslodavci, strani investitori i sindikati su prema Vladi Federacije uputili zahtjev da odloži primjenu novog pravilnika dok zakonom ne smanji doprinose.

NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 23.05.2016

Messer među najpoželjnijim poslodavcima

U petak, 20. maja u Domu Oružanih snaga BiH, održana je deseti put zaredom ceremonija dodjele priznanja „Najpoželjniji poslodavac 2015“. Najpoželjnijeg poslodavca biraju korisnici portala Posao.ba, vodećeg web portala za zapošljavanje i jednog od najposjećenijih web portala u BiH. Ova dodjela organizira se svake godine i jedna je od najvažnijih događaja u poslovnom okruženju BiH.

Istraživanje Najpoželjniji poslodavac u BiH svake godine obuhvati veliki broj kompanija koje nominuju ispitanici, od čega se bira top 100 kompanija koje su osvojile najveći broj glasova. Rezultati istraživanja pružaju uvid u poredak 10 najpoželjnijih poslodavaca u BiH u ukupnom poretku, te pregled najpoželjnijih poslodavaca u 10 najvećih sektora u BiH.

Messer BH Gas je već treću godinu zaredom izabran među najpoželjnije poslodavce u BiH, a ovoga puta rangiran je među tri top kompanije iz sektora nafte i plina.

Za najpoželjnijeg poslodavca izabrana je kompanija 'dm drogerie markt'.

Generalni direktor Valentin Ilievski je prisustvovao dodjeli i primio priznanje za Najpoželjnijeg poslodavca.

Do ovakvih rezultata dolazi se tako što se vrši veliko istraživanje tržišta i anketiranje ispitanika. Na osnovu 19.100 glasova korisnika portala Posao.ba dolazi se do saznanja koje su to kompanije najpoželjniji poslodavci u BiH. Ovoga puta u selekciji je bilo 740 kompanija. Pri izboru je jako bitno da ispitanici svjedoče o tome koliko je određena kompanija ulagala u upravljanje ljudskim potencijalima, branding poslodavca te kakav imidž ima u javnosti.



NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 12.05.2016

Messer dobio koncesiju za istraživanje CO₂ u Petrovu

Skupština opštine Petrovo je na sjednici održanoj 11. maja 2016. godine donijela odluku da se kompaniji Messer BH Gas Sarajevo, Podružnica Sočkovac, da pozitivno mišljenje na pokretanje postupka dodjele koncesije za istraživanje CO₂, gasa i termomineralne vode na lokalitetu Ciguše-Bare u Sočkovcu, opština Petrovo.

Naglašeno je da se pozitivno mišljenje daje uz uslov da buduća eksploatacija ničim ne ugrožava postojećeg koncesionara, te da se na oba eksploataciona polja uspostavi monitoring kako ne bi došlo do precrpljivanja ležišta CO₂ i termomineralne vode između oba preduzeća. Prošlo je već četiri godine od izgradnje naše fabrike CO₂ u Sočkovcu koja izuzetno dobro radi što pokazuje podatak da sve što proizvedemo mi i prodamo. Kompletan proizvodni kapacitet te fabrike na godišnjem nivou od 7200 tona svake godine je rasprodat. Ona je najbolji primjer odlične saradnje između lokalne zajednice i investitora. Radi razvoja naših proizvodnih kapaciteta potrebno je vršiti nova istraživanja određenih lokaliteta CO₂ i termomineralnih voda. Stoga smo uputili zahtjev za dodjelu koncesije za lokalitet Ciguše-Bare u opštini

Petrovo i na Skupštini dobili dozvolu. Postupat ćemo kao i do sada u skladu sa odredbama i nadam se da ćemo dobiti pozitivne nalaze, rekao je nakon dobijanja saglasnosti direktor Messer BH Gasa, g. Valentin Ilievski. Ministarstvo industrije, energetike i rudarstva Republike Srpske ranije je od Opštine Petrovo zatražilo mišljenje o podnesenoj inicijativi Messera za pokretanje postupka dodjele koncesije.



NOVOSTI.IZ SVIJETA PLINOVA.

Part of the Messer World

Rajlovac/Sarajevo, 05.05.2016

U okviru festivala dječije umjetnosti održana radionica o suhom ledu

U okviru Festivala dječije umjetnosti (FEDU) danas je održana na Trgu oslobođenja edukativno-informativna radionica za srednjoškolce o primjeni CO₂ u prehrambenoj industriji, industriji pića i u čišćenju mašina.

Ova radionica je jedna u nizu koja proizilazi iz razvojnog projekta „Mogućnosti primjene plinova i praktična nastava u srednjim školama“. Taj program vode MESSER BH Gas d.o.o. i Deutsche Gesellschaft für Internationale Zusammenarbeit (GIZ) GmbH – Njemačka vladina razvojna agencija, a po nalogu Saveznog ministarstva za privrednu saradnju Njemačke (BMZ) u okviru „develoPPP. de“ programa. Riječ je o projektu čiji se jedan važan dio odnosi na praktično orijentiranu nastavu u srednjim školama iz oblasti plinova i njihove primjene, s ciljem da pored klasičnog načina nastavnog izlaganja na ovu temu učenici dobiju aktualizirana znanja i praktična iskustva.

Edukativno-informativna radionica „Suhi led i njegova primjena“ zasnovana je na jednosatnoj praktičnoj primjeni ovog plina.

Učenici prvog i trećeg razreda Katoličke gimnazije u Sarajevu, kao i građani Sarajeva koji su željeli vidjeti čaroliju koju ovaj plin proizvodi u veoma kratkom vremenskom periodu, uživali su u animacijskom času koji je vodio Messerov inženjer, g. Avdo Dedić. Suhi led je CO₂ u čvrstom agregatnom stanju na temperaturi -79°C, a dobija se od tečnog CO₂ pod kontrolisanim uslovima u posebno konstruisanoj mašini – peletizeru. Nakon toga priprema se kroz tehnološke procese za upotrebu u vinarstvu, u čišćenju različitih industrijskih mašina i pomagala. Važnost ove radionice leži u benefitima koje naše škole, đaci i ukupan nastavni plan i program mogu imati unoseći praktične elemente iz hemije u nastavu. Učenici su sami učestvovali u stvaranju leda i snijega, u pravljenju balona od pjene, o probavanju vode koja kroz hemijski proces postaje gazirana, ali i u informiranju o zaleđivanju hrane i pomoći CO₂ za njeno čuvanje. Interesantno je bilo vidjeti kako se formira dimna zavjesa koja se koristi u stvaranju efekata na koncertima, promocijama, u teatru. Također je pokazano kako se pomoću CO₂ čiste velike površine i mašine, te smanjuje i povećava PH-vrijednost vode.

Učenici su se dobro zabavili i naučili o plinu za kojeg su mislili da služi samo kao hrana drveću koje ga uzima, a izbacuje za živi svijet toliko potreban kisik.

Istakli su da bi voljeli imati više ovakvih časova koji su za njih bili osvježavajući i drugačiji.



NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 20.04.2016

Direktor Ilievski o potencijalima za investicije govorio na Jahorina ekonomskom formu 2016.

U organizaciji Udruženja ekonomista Republike Srpske pod pokroviteljstvom predsjednika Milorada Dodika jučer je održan Jahorina Forum 2016 o ekonomskim kretanjima u Regionu i o mogućnostima ulaganja stranih investitora u BiH.

Na Panelu II „Makroekonomske politike – više ili manje države“, na kojem su učestvovali ministar financija BiH, g. Vjekoslav Bevanda, predsjednik Privredne komore RS-a g. Branko Đurić, te predstavnici najvećih stranih kompanija u Regiji, o potencijalima RS i BiH za strana ulaganja govorio je ispred Vijeća stranih investitora direktor Messer BH Gasa, g. Valentin Ilievski: - Strane investicije su ključ razvoja ekonomija u tranziciji. Većina stranih investitora posluje dobro i zadovoljni su, ali postoji i mnogo prepreka koje treba ukinuti – upozorio je Ilievski.

Na Forumu je također istaknuto da su strani investitori zadovoljni poslovanjem u Republici Srpskoj. Ali da im nije lako, ukazao je Ilievski, član UO Vijeća stranih investitora: "Ima toliko prepreka da investitori mogu knjigu da napišu. Očekujemo pomoć od države. Mislim da građani nisu svjesni potencijala ove države, naročito u turizmu. Ako su ekonomski pokazatelji na dnu – možete samo rasti", sa osmijehom je rekao Ilievski i zaključio da su ovakvi seminari i biznis forumi na kojima se ističe važnost ulaganja itekako bitni jer se otvaraju procesi šireg ulaganja u ovo tržište, ali i pokazuje politička volja za jačanjem ekonomije.

NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 19.04.2016

U sali općine Gračanica održana promocija priručnika

U Sali Općine Gračanica danas je održana promocija „Priručnika o plinovima/gasovima za praktičare“ koji je nastao kao rezultat trogodišnjeg rada na realizaciji razvojnog projekta „Mogućnosti primjene plinova i praktična nastava u srednjim školama“. Taj program vode MESSER BH Gas d.o.o. i Deutsche Gesellschaft für Internationale Zusammenarbeit (GIZ) GmbH – Njemačka vladina razvojna agencija, a po nalogu Saveznog ministarstva za privrednu saradnju Njemačke (BMZ) u okviru „develoPPP. de“ programa.

Riječ je o projektu čiji se jedan važan dio odnosi na praktično orijentiranu nastavu u srednjim školama iz oblasti plinova i njihove primjene, s ciljem da pored klasičnog načina nastavnog izlaganja na ovu temu,

učenici dobiju aktualizirana znanja i praktična iskustva. Uz odobrenje nadležnih ministarstava obrazovanja i Republičkog pedagoškog zavoda Republike Srpske i Pedagoškog zavoda Tuzlanskog kantona, u dvije bh. općine, Gračanica i Petrovo, potpisan je Memorandum o saradnji sa direktorima tri srednje škole (JU Gimnazija „Dr. Mustafa Kamarić“ Gračanica, JU Srednjoškolski centar Petrovo i JU Mješovita srednja škola Gračanica) u kojima je nastavni plan i program iz hemije, biologije i ekologije te stručni predmeti iz mašinske oblasti obogaćen novinama. Promocija je bila izuzetno sadržajna i konstruktivna, obilovala je detaljima oko same izrade, prezentirani su načini implementacije ovog programa i akcentirana suradnja između škola sa područja obje općine koja je doprinijela kvalitetnom nastavnom radu. Priručnik obiluje plastičnim primjerima iz kojih se najbolje uči o ovoj oblasti, kao i sugestijama, prijedlozima, savjetima i korisnim uputama u daljoj edukaciji učenika, privrednika, tehnologa, prodavača i svih koji upotrebljavaju ove proizvode. Direktori sve tri srednje škole, kao i predstavnica općina, istakli su da je ovaj projekat umnogome doprinio inoviranju naučno-nastavnog programa jer je spojio teoriju i praksu iz koje je i izašao ovaj Priručnik. Direktorica Gimnazije u Gračanici, prof. Minka Kurtović, je i izrazila nadu da će i ostale škole prepoznati važnost priručnika i praktične nastave te priručnik implementirati u nastavi. Školama su donirani tv, laptop i smart tabla, te hardver i softver za praktičnu nastavu, te zelene sadnice.

Direktor MSS, Redžo Alihodžić, je istakao da je škola stekla veliko znanje u primjeni plinova i da će im donirana oprema biti veoma korisna u procesu nastave.

Direktor škole u Petrovu, g. Cvijanović, je rekao da je veoma pohvalno to što su đaci izvedeni iz klupa u proizvodno preduzeće Messer, gdje su stekli ogromno iskustvo, a sama škola je bogatija za doniranu opremu. Nakon što su prisutni pogledali prezentaciju nastanka Priručnika, prikazan je i film „Sve o CO₂“ koji je bacio novo svjetlo na upotrebu ovog plina u oblasti ekologije, čišćenja, prehrane i dr. Ukupan cilj izdavanja ovog Priručnika kao i razvojnog projekta „Mogućnosti primjene plinova i praktična nastava u srednjim školama“ je unaprijediti znanje na temu primjene plinova sa posebnim osvrtom na CO₂ i zaštite životne sredine kod predstavnika bosanskohercegovačke privrede, predstavnika nadležnih institucija i učenika.



NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 11.03.2016

Messerova donacija za školu u Oborcima

Bosna i Hercegovina je još uvijek zemlja u čiju obrazovnu infrastrukturu treba ulagati iz dana dan, od osnovne škole do visokog obrazovanja. Jedna od osnovnih škola kojoj nedostaje potpuna tehnička opremljenost je Treća osnovna škola u Oborcima. Manje sredine, nažalost, imaju i manje prilika da dođu

do savremene opreme za normalno obavljanje svakodnevnih zadataka.

Našoj kompaniji obratio se pismom direktor ove škole koji je prepoznao u Messeru društveno osviješten princip rada, u kojem je istakao teške uvjete u kojima rade nastavnici i uče djeca.

„Messer je jedna društveno odgovorna kompanija koja uživa respekt u poslovnom svijetu i na tržištu BiH, Regije i svijeta. Stoga vas ovim putem pozivam da pomognete našoj školi i našim mlađim naraštajima na način koji vama najviše odgovara jer nama svaki vid pomoći mnogo znači“, istakao je u pismu Mustafa Hodžić, direktor škole.

Messer BH Gas je spremio donaciju koja se sastoji od računara i printera kao i druge opreme koja može olakšati djelovanje ove škole. Donacija je uručena danas u prostorijama naše kompanije direktoru škole, g. Hodžiću.



NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 27.01.2016

Messerov stručnjak održao predavanje u Tuzli

Na Institutu za zavarivanje u Tuzli u toku je školovanje za inženjere zavarivanja koje traje četiri mjeseca. Polaznici školovanja, njih trideset, već su uposlenici u svojim firmama i cilj školovanja je da usavrše svoje znanje iz oblasti zavarivanja. S obzirom da Messer Tehnoplina uspješno surađuje sa Institutom za zavarivanje, dogovoreno je da Messer održi predavanje.

Inženjer Edvard Bjelajac iz Messer Slovenije je polaznicima školovanja govorio o postupcima zavarivanja, odabiru plinova i plinskih mješavina za zavarivanje, te pokazao praktične primjere i podijelio svoja iskustva iz prakse. Polaznici su iskoristili priliku da pitaju sve što ih zanima u vezi sa primjenom plinova za zavarivanje. Suradnja između Messera i Instituta u Tuzli na ovom polju nastavit će se i dalje.



NOVOSTI.IZ SVIJETA PLINOVA.

Part of the Messer World 

Rajlovac/Sarajevo, 01.01.2016

Sretna Nova 2016

Svim kupcima, poslovnim partnerima i uposlenicima želimo uspješnu, zdravu i sretnu 2016. godinu.

MESSER TEHNOPLIN

MESSER BH GAS

MESSER MOSTAR PLIN

NOVOSTI.IZ SVIJETA PLINOVA.

Rajlovac/Sarajevo, 13.12.2015

Slavljenički koncert Parnog valjka uz Messerove specijalne efekte

U spektakularnoj atmosferi održan je sarajevski koncert jednog od najboljih regionalnih rock bendova Parni valjak. Slavljenički koncert kojem je prisustvovalo desetak hiljada fanova održan je u olimpijskoj dvorani J. A. Samaranch – Zetra.

Članovi grupe Aki, Hus, Brk, Preksi, Bero i Dado u Sarajevu su obilježili jubilej, 40 godina od osnivanja i

20 godina od koncerta u zagrebačkom ZeKaeMu u unplugged verziji.

Odličnoj atmosferi doprinio je i Messer kao jedan od glavnih sponzora koncerta, koji je osigurao specijalne plinove i angažirao tehnički tim za podršku. U nekoliko navrata napravljena je dimna zavjesa i čitav drugi niz efekata koji su naišli na odobravanje publike.

"Sarajevo, nećemo zaboraviti ovo veče, naših 40 godina", rekao je Aki prije nego što je uzeo navijački šal BiH i okončao muzički spektakl sa pjesmom „Sve još miriše na nju“.



NOVOSTI.IZ SVIJETA PLINOVA.

Part of the Messer World ■ ■ ■

Rajlovac/Sarajevo, 08.12.2015

Messer najkompanija decenije, Ilievski najmenadžer

U Banskim dvorima u Banjoj Luci održana je svečana dodjela nagrada koju organizira magazin Euromanager. Ovo je 33. dodjela iza koje stoje stručnjaci u sferi biznisa. Messer u BiH je svake godine ovjenčan nekom od nagrada jer je do danas investirao preko 100 miliona KM u infrastrukturu, razvoj poslovanja i proizvodne kapacitete.

Ove godine je naš generalni direktor, g. Valentin Ilievski, dobio priznanje za najmenadžera, a Messer je proglašen najkompanijom decenije. U obrazloženju nagrade stoji da je naša kompanija pokazala da se u BiH može kreirati ambijent za uspješno poslovanje i da su najbolji svjetski principi rada primjenjivi i ovdje. Nema veće satisfakcije za jednog menadžera nego da se njegov rezultat izmjeri kroz bilans stanja i uspjeha na kraju svake godine. S druge strane, ako te struka prepozna kao kvalitetnog menadžera sa dobrim idejama i ostvarivom vizijom, onda to dodatno podiže samopouzdanje i kreira novi uspjeh. A kada to biva krunisano i nagradom, onda je zadovoljstvo urađenim i potpuno. Zahvaljujem vam se jer ste me prepoznali kao uspješnog poslovnog čovjeka koji planira na duge staze i planirano ispunjava. Biti najmenadžer decenije u BiH je zasluga koju ću, nadam se, dostojno opravdavati i narednih godina, istakao je g. Ilievski prilikom dodjele nagrade.



NOVOSTI.IZ SVIJETA PLINOVA.

Part of the Messer World

Rajlovac/Sarajevo, 03.12.2015

Na mašinskom fakultetu održana radionica o primjeni plinova za zavarivanje

Na Mašinskom fakultetu u Sarajevu održana je radionica pod nazivom „Primjena plinova za zavarivanje i srodne tehnike – Doprinos poboljšanju kvaliteta i primjene tehničkih standarda u metaloprerađivačkom sektoru“ na kojoj su učestvovali stručnjaci iz ove oblasti, profesori sa ovog fakulteta kao i članovi Društva za zavarivanje BiH. Ovo je jedna u nizu edukacijskih radionica koje su produkt višegodišnje suradnje kompanije Messer BH Gas d.o.o. i Deutsche Gesellschaft für Internationale Zusammenarbeit (GIZ) GmbH, koji se realizira u okviru develoPPP.de – Programa podržanog od njemačkog Saveznog ministarstva za privrednu saradnju i razvoj (BMZ), i uz podršku Mašinskog fakulteta u Sarajevu i Društva za zavarivanje Bosne i Hercegovine (DZBiH). Ova radionica zasnovana je na informaciji za industrijske proizvođače koji se to plinovi mogu koristiti za zavarivanje i kakve su tehnike danas dostupne na tržištu a pomažu poboljšanju kvaliteta proizvoda i istovremeno podižu standarde u metaloprerađivačkom sektoru. Predavači su bili: prof. dr. Ismar Hajro, Mašinski fakultet Sarajevo / Predsjednik DZBiH (moderator), Edvard Bjelajac, Messer Slovenija i Asim Čampara, Messer Tehnoplina Sarajevo.

Učešće u radu ove tematske radionice sa teorijskom i praktičnom prezentacijom uzeli su stručnjaci iz oblasti zavarivanja, predstavnici firmi koje rade u metaloprerađivačkom sektoru, industrijski proizvođači i profesori iz te oblasti sa Mašinskog fakulteta. Tematizirani su najčešći problemi kod zavarivanja i data moguća rješenja jer to direktno utječe na kvalitet i prodaju proizvoda. Učesnici su istakli svoje zadovoljstvo prikazanim tehnikama u korištenju plinova za zavarivanje koje nude širok spektar pogodnosti u razvijanju proizvodnih procesa. Ova inforadionica namijenjena je svim privrednicima koji su zainteresirani da unaprijede svoju proizvodnju, da poboljšaju rentabilnost i da idu u korak sa evropskim i svjetskim trendovima u metaloprerađivačkoj industriji.



NOVOSTI.IZ SVIJETA PLINOVA.

Part of the Messer World ■ ■ ■

Rajlovac/Sarajevo, 20.11.2015

S Messerom na spektakl

Jučer je u sarajevskom klubu Aquarius Hills održano druženje članova velike rock grupe Parni valjak sa sponzorima i predstavnicima sedme sile. Brojni fanovi u BiH odbrojavaju dane do sarajevskog koncerta grupe Parni valjak, koji će se dogoditi u subotu, 12. decembra, u olimpijskoj dvorani "J. A. Samaranch" - Zetra, a kojim Aki, Hus, Brk, Preksi, Bero i Dado obilježavaju značajan jubilej - 40 godina od osnivanja i 20 godina od koncerta u zagrebačkom ZeKaeMu u unplugged verziji.

Koncert će imati dvije verzije – akustičnu i električnu, što će dodatno naglasiti jedinstveni zvuk ove popularne grupe. Koncert je najavljen kao spektakl jer će biti popraćen i specijalnim efektima za koje se pobrinula naša kompanija.

Messer u BiH je ponosni sponzor koji će okupiti brojne generacije željne kvalitetne muzike sa autorskim pečatom u ambijentu koji će se pamtili, najavio je organizator Faruk Drina, direktor Of sounda.

Istaknuto je i to da će Hayat produkcija izdati DVD koncerta, a sredstva od prodaje idu Zavodu Mjedenica, čime se podstiče i humanitarni aspekt koncerta.



NOVOSTI.IZ SVIJETA PLINOVA.

Part of the Messer World

Rajlovac/Sarajevo, 17.10.2015

Messer učestvovao na kakanjskim energetske danima

Od 14. do 17. oktobra se u Kaknju po prvi put održao sajam „Kakanjski energetske dani 2015.“ u okviru kojeg je prezentiran i Energetske EXPO – jednodnevna promotivno-edukativna radionica na kojoj su se predstavila i dva naša društva - Messer Tehnoplina i Messer BH Gas. Bila je to prilika da domaće i strane kompanije pokažu svoja napredna rješenja, tehnologije, proizvode i usluge iz oblasti energetske efikasnosti, primjene obnovljivih izvora energije i na taj način se predstave poslovnom svijetu i široj javnosti. Messerov štand je obilovao prospektima, info materijalima, katalogima i brušurama na bazi kojih su posjetitelji mogli saznati šta nam to nudi Messer u Bosni i Hercegovini i koliko su specijalni gasovi koje proizvodimo, plasiramo i prodajemo kako u BiH tako i u inozemstvu korisni energetske izvori i snabdjevači industrijskih kapaciteta. Posebna pažnja poklonjena je korištenju plinova, posebno CO₂, u ekološke svrhe. Pozdravljamo ovakav vid besplatne promocije svih energetske društava i drugih kompanija koje rade na izradi novih tehnologija. Ovakav sajam je bio neophodan u BiH, i zato se zahvaljujemo Općini Kakanj i svima koji su pomogli da se ovakva manifestacija realizira. Nadamo se da će ona postati tradicionalna – istakao je direktor Valentin Ilievski. Organizator Energetske dana je Općina Kakanj u saradnji sa Resursnim ekološkim centrom ZDK KAKANJ i Njemačkim društvom za međunarodnu saradnju - Otvorenim regionalnim fondom za JIE -Energetske Efikasnost (GIZIORF-EE) u okviru SEAP projekta (Sustainable Energy Action Plan - Akcioni plan energetske održivog razvoja Općine Kakanj).

MESSER TEHNOPLIN/MESSER BH GAS

RESURSNI EKOLOŠKI CENTAR KAKANJ


MESSER
Gases for Life

Naši proizvodi, znanje i vještine
u službi Vašeg uspjeha

www.messer.ba



MESSER
Gases for Life



energetski dan 2015 | **Kakanj**



**VRIJEME JE ZA
STEDNIJU ENERGIJU**
za uspješniju budućnost

10-11:00
KAKANJ
10-11:00
KAKANJ
10-11:00
KAKANJ



energetski dan 2015 | **Kakanj**



**VRIJEME JE ZA
STEDNIJU ENERGIJU**
za uspješniju budućnost

10-11:00
KAKANJ
10-11:00
KAKANJ
10-11:00
KAKANJ



energetski dan 2015 | **Kakanj**



**VRIJEME JE ZA
STEDNIJU ENERGIJU**
za uspješniju budućnost

10-11:00
KAKANJ
10-11:00
KAKANJ
10-11:00
KAKANJ



energetski dan 2015 | **Kakanj**



**VRIJEME JE ZA
STEDNIJU ENERGIJU**
za uspješniju budućnost

10-11:00
KAKANJ
10-11:00
KAKANJ
10-11:00
KAKANJ



Rajlovac/Sarajevo, 20.08.2015**Vinari prepoznali važnost upotrebe suhog leda u vinarstvu**

U okviru razvojnog partnerstva s kompanijom MESSER BH Gas d.o.o. , podržanog od strane devaloPPP.de programa, koji se po nalogu njemačkog Saveznog ministarstva za privrednu saradnju i razvoj (BMZ) implementira putem Deutsche Gesellschaft für Internationale Zusammenarbeit (GIZ) GmbH, te u suradnji s Federalnim agromediteranskim zavodom Mostar i Regionalnom agencijom za razvoj Hercegovine - REDAH, danas je u hotelu Brotnjo u Čitluku održan okrugli sto na temu „**Vino kao bosanskohercegovački brend**“- **Mogućnosti poboljšanja kvalitete vina kroz uvođenje suhog leda u proces proizvodnje**. Okrugli sto je realiziran u dva tematska dijela. U prvom je prezentirana analiza prof. dr. sc. Marka Ivankovića pod nazivom „Stanje i perspektiva razvoja vinogradarstva i vinarstva u Bosni i Hercegovini do 2021. godine“, dok se u drugom dijelu govorilo na temu „Mogućnosti korištenja suhog leda u procesu proizvodnje vina“ sa posebnim osvrtom na praktična iskustva u primjeni suhog leda u vinarstvu. Prezentatori su bili g. Darko Bogdanović – Vinarija Aleksandrović i Messerovi stručnjaci g. Admir Ibrahimović i g. Pavo Šaravanja, uz moderaciju prof. dr. sc. Marka Ivankovića. Uz prisustvo velikog broja učesnika, posebno predstavnika vinarija i vinarske industrije u BiH, ovaj okrugli sto je opravdao očekivanja organizatora jer su učesnici bili izuzetno zainteresirani za pogodnosti koje proističu iz korištenja suhog leda u poboljšanju kvalitete vina kao i njegove distribucije i skladištenja. Suhi led je CO₂ u čvrstom agregatnom stanju na temperaturi -79°C, a dobiva se od tečnog CO₂ pod kontroliranim uslovima u posebno konstruiranoj mašini – peletizeru. Nakon toga priprema se kroz tehnološke procese za upotrebu u vinarstvu, prehrambenoj industriji, ali i u čišćenju različitih industrijskih mašina i pomagala. Benefiti su veliki, od zadržavanja trajnosti kvalitete i arome vina do toga da su vina sa suhim ledom konkurentna evropskim i svjetskim koji već duže vrijeme primjenjuju ovu komponentu u proizvodnji, a koja je sada već nezaobilazna u proizvodnji vrhunskih vina. Suhi led je ona tačka razdvajanja vrhunskog od dobrog vina. On je tajna formula uspjeha. Prva radionica na temu „Široki spektar korištenja suhog leda“ održana je u Mostaru u augustu prošle godine. Više informacija na www.messer.ba.



Rajlovac/Sarajevo, 01.06.2015

Radna posjeta nastavne grupe fabrici u Sočkovcu

U okviru zajedničkog GIZ&Messer BH Gas projekta pod nazivom "Mogućnosti primjene gasova i praktična nastava u srednjim školama", koji je podržan u okviru develoPPP.de programa, a koji se po nalogu Njemačkog Saveznog ministarstva za privrednu saradnju i razvoj (BMZ) implementira od strane Deutsche Gesellschaft für Internationale Zusammenarbeit (GIZ) GmbH, organizirana je posjeta profesora i učenika srednjih škola Messerovoj fabrici CO₂ u Sočkovcu.

Posjetitelji su u pratnji Messerovih stručnjaka i tehnologa imali priliku upoznati se s radom postrojenja za prefabrikaciju CO₂. Tačnije, sa procesom koji počinje od bušotine gdje ugljen-dioksid izlazi pomiješan sa vodom i ulazi u separator u kojem se vrši njegovo odvajanje od vode, pa sve do rezervoara za skladištenje utečjenog ugljen-dioksida.

Program je uključivao i praktičnu demonstraciju pretvaranja CO₂ u suhi led, prehrambeni plin koji se veoma uspješno posljednjih godina koristi u raznim privrednim granama, medicini, kao i za otklanjanje nečistoća, konzerviranje, rashlađivanje i dr.

Posjetitelji su imali priliku pogledati i [kratki film o CO₂](#) i načinima čišćenja upotrebom suhog leda.

Stručni tim Messera upoznao je nastavnu grupu i sa ambalažom u kojoj se skladište gasovi, kao i sa opremom koja je potrebna za pravilnu upotrebu i rad sa gasovima.

Jedna od tema o kojoj se razgovaralo tokom ove posjete bile su sve opcije o korištenju CO₂ u ekološke svrhe i u neutralizaciji alkalnih otpadnih voda, tj. za zaštitu životne sredine.

Kao pikanterija u praktičnoj demonstraciji upotrebe plinova, pokazano je kako tečni dušik svojom hladnoćom može biti korišten u gastronomiji. Učenici su sami mogli raditi neke vježbe kojima stiču praktična iskustva, a to je i cilj cjelokupnog programa.

Vježba sa čokoladom i voćem svima je godila kao osvježenje na kraju ove radne posjete koja će, kako ističu profesori, biti od posebne koristi u praktičnoj nastavi u srednjim školama s kojima Messer BH Gas&GIZ GmbH surađuju od početka rada na develoPPP.de programu.

Radne posjete trajale su tri dana, 27., 28. i 29. maja i u to vrijeme svi kapaciteti ovog postrojenja kao i naš stručni kadar bili su otvoreni za sva pitanja o proizvodnji, upotrebi plinova i njihovoj primjeni i u nastavnom procesu.



NOVOSTI.IZ SVIJETA PLINOVA.

Part of the Messer World 🇧🇦

[PRINTANJE STRANICE](#)

Rajlovac/Sarajevo, 09.05.2015

Baloni za najmlađe

U subotu, 09. maja na Trgu oslobođenja Alija Izetbegović održan je prvi dječiji festival koji svojim sadržajem promovira dječije stvaralaštvo i stvaralaštvo za djecu. Nekoliko lutkarskih predstava, koncerti dječijih horova iz cijele Bosne i Hercegovine zabavljali su najmlađe cijeli dan i pružili im priliku da uživaju u domaćoj produkciji. U programu su učestvovala poznata umjetnička imena, dječiji pisci kao i animatori koji su uz prigodne sadržaje i poklone učinili ovaj dan zanimljivim za sve koji su se na ovom sunčanom danu odlučili biti dijelom ove manifestacije. I naša kompanija je dala svoj doprinos festivalu donirajući balone za najmlađe čiji je osmijeh svima najveća zahvala i najbolji poklon.



[NOVOSTI.IZ SVIJETA PLINOVA.](#)

Part of the Messer World 